

Annukka Hirvasvuopio-Laiti

Abstrákta

Duoddariidda – Sápmi ja luondu Deatnogátte Nuoraid lávlagiin

Deatnogátte Nuorat -joavku almmustahtii golbma LP-skearru, guokte dain Jår'galæd'dji-lágádusas. Joavkku vuosttas skearrus ledje ovttastahttojuvvon luodit ja čuojanasat, dat lei ođđa vuohki 1970-logus ja maddái ášši, masa buot sápmelaččat eai liikon. Dattetge Deatnogátte Nuorat -joavku šattai hui bivnnuhin nu Sámis go maddái riikaviidosáčat.

Nákkosgirjebarggustan dutkkan Jår'galæd'dji-lágádusa almmustahttin LP-skearruid lávlagiid teavsttaid. Dutkamušastan geavahan maŋjekolonisttalaš teorija ja eamiálbmotmetodologii. Analyseren maddái musihkkabihtáid musikálalaš beali iežan etnomusikologa skuvlejumi vuodul.

Sáhkavuorus guorahalan man láhkai ja mainna lágiin Sápmi ja sámi luondu govviduvvojit Deatnogátte Nuoraid guovtti LP:a lávllateavsttain ja dajahusain. Deatnogátte Nuoraid lávlagat ja luodit leat šaddan klassihkkárin sámi populáramusihkas ja dat lávlojuvvojit ja juigojuvvojit ain otná beavvege. Guorahalan daid sivaidd, manne diet leat ain bivnnuhat mángalogi jagi maŋŋá.